

Hèertzeliche grüüsse

Mach dabàite daime trööme !

Ich grüüss-ach liibe laüte und *main khlàan liibes lant!*

An sèchtzan jaar èersinkh pin-ich khènt au
in-z Hòoch-Lant vor d'èerste bötta.
Ermenegildo und ich, bar sainan khènt von
Frankofòrte òbarn me Mèen zo prengan z inter-net
baròotanten in harnost und an bèar
keghen z dorsbìntan un z vorghèzzan.

Sainten vööbar und süüchar, bar haban gaböllt hölfan zù
mittanandar haltan au 'z gaprècht von Zimbarn und bo-haltan
baz habent sich galasset d'alten zo gadenkhan-se.
Bar harran in an mèeror lèntighes zo-khèmman
vomme zimbar-gaprècht,
eeben az de alten saint gaganghet de-hiin.

Inmitten oich bar haban gavunnet liibe und hèertzeliche laüte,
aitel gùute ksèlle und stèrche, mùutighe vraünte.
Ich grüss-ach de main alten zimbrischen vraünte.
Ich naighe in khopf vrann oich,
singar Sergio, hütta Luigi, khriigar Enghele, tröömar Gianni,
und vrann allen in liiben khsèllen. Antìa òandar ist gant de-hiin.

Iart habet garüüret-mich aan leise in maime hèrtze,
ich han garüüret oich, bar haban garüüret anander.
"Zimbar", bar haban galüünet in gasankh mittanandar.
"De zeeghen machant-sich ais-gruben."

Haüte abar ich bölte khödan vorbàis-got.
Ich khöde vorbàis-got `me Remijen vor de sain hölfe,
ba ist an gròasser liirnar met vüür-traghe,
und `me Gilden, anbia èar hat-mich dorbékhet
vomme langhen bintar-slaafe.
Ich voorsch-ach vorghìbinghe habanten vorghesset eppadòaz.

Z gasènghele ghit niidar de liirnekhòt.

Ich trööme mich zo sainan gabeest veerne von hause.
Ich pin gabeest da schoon tröömanten òch.
Ich han in schööndarn trööm
zo khèeran hèar in-z lant von Zimbarn,
"ba de sunnen dreent-sich sobia reedar",
zo bo-laiban met umiltà vomme hèertzen.
"Z Zimbar-lant ist in de seela."

Haltet rabàst!

Oliver - Frankofòrte òbarn me Mèen , dar èerste Bainecht-maanont -